

CONVICTION VERITABLE DV RECIT FABVLEUX ,
 DIVVLGVÉ TOUGHANT LA REPRESENTATION EXHIBÉE EN FACE DE TOVTE
 LA VILLE DE LYON ,
 AV COLLEGE DE LA COMPAGNIE DE IESVS , LE 7^e JOVR
 D'AOVST DE LA PRESENTE ANNÉE 1607 ,
 PAR ANDRÉ DE GAVLE (1) ,

A MESSIEVRS LE PREVOST DES MARCHANS ET ESCHEVINS DE
 LADITE VILLE.

MESSIEVRS ,

Certain tenebrion sans nom, sans pays, sans adveu, et qui pis est sans foy, sans justice et sans religion, a osé ces iours passez diuulguer un imprimé en datte du vingt deuxiesme d'aoust dernier, par lequel il a malicieuseme calomnié la representation qui auoit esté exhibée dans vostre College le septiesme du mesme moys de la presente année 1607. Les bourdes qu'il aduance sont si espesses, et ont tant d'accusateurs de leur fausseté, qu'il me sembloit estre chose superflue de mettre la main à la plume pour les refuter. Mais parce que ie m'apperçoy, et par le rapport de diuers endroits ie me suis asseuré que cest imprimé court pays sans arrest et avec creance en plusieurs parts: i'ai iugé pour la gloire de la verité, pour la confusion des menteurs, pour l'honneur de nostre ville, et le vostre particulier (pour qui ceste Action a esté dressée) qu'il faut donner vn coup de corne en la bouche de cet homme menteur, et faire connoistre au monde le fait comme il s'est passé. Car qui eust iamais

(1) A Lyon, par Abraham Cloquemin, m. dcvii. In-8° de 27 pages.